

Sud BiH i Tužilaštvo BiH su temelji na kojima počiva vladavina prava



Visoki predstavnik Valentin Inzko danas je posjetio Sud BiH i sastao se s predsjednicom Suda Meddžidom Kreso i njenim kolegama koji obavljaju vodeće funkcije na Sudu. Visoki predstavnik je izrazio svoju punu podršku Sudu BiH i njegovim zaposlenicima u njihovom radu na osiguranju poštivanja vladavine prava.

Navodeći da su Sud BiH i Tužilaštvo BiH „temelji na kojima počiva vladavina prava“, visoki predstavnik je istaknuo da „iako su svaki sud i svako tužilaštvo jednako važni, državne pravosudne institucije moraju imati vodeću ulogu i pokazati građanima da ima pravde. Zaposlenici tih institucija požrtvovano, profesionalno i efikasno rade.“

Visoki predstavnik je također naglasio značaj aktivnosti koje se provode u okviru Strukturalnog dijaloga između Evropske unije i vlasti Bosne i Hercegovine. „Radi se o sistematskim naporima da se osigura efikasnije funkcioniranje pravosudnog sistema, a to je nešto što će koristiti svim građanima“, rekao je Inzko.

Također je rekao da zakon o sistemu sudova BiH, koji je trenutno u fazi izrade, mora zadržati suštinske elemente krivične nadležnosti države u skladu s Ustavom, što je osnovna garancija za zaštitu prava svih građana Bosne i Hercegovine.